



ACTA DA SESIÓN ORDINARIA DA COMISIÓN DE CALIDADE DA FACULTADE DE HISTORIA DO 5 DE NOVEMBRO DE 2021

ASISTENTES

Presidenta, coordinadora de calidade, enlace de igualdade e coordinadora do Mestrado en Arqueoloxía e Ciencias da Antigüidade

Reboreda Morillo, Susana

Secretario accidental

Prada Rodríguez, Julio

Coordinadora de Grao

Vaquero Díaz, Beatriz

PDI

Comendador Rey, Beatriz

Membros da sociedade

Díaz Naya, Rosa María

Garrido Labrador, Begoña

Campos Seijo, Francisco Borja

PAS

Rodríguez Bouzas, Josefa (colaboradora de calidade)

DESCULPAN AUSENCIA

Coordinador do Mestrado en Valoración e Xestión do Patrimonio Cultural

Pérez Losada, Fermín

PDI

Barriocanal López, Yolanda

López Díaz, María

Membros da sociedade

Campos Seijo, Francisco B.

Representante egresados

López López, Marta

A comisión realízase de xeito presencial na Sala do Profesorado (Edificio de Facultades) e de xeito virtual mediante o Campus Remoto na sala de xuntas 1 da Facultade de Historia, reuníndose os membros da Comisión de Calidade que figuran á marxe, o venres 5 de novembro de 2021, ás 13.00 horas en segunda e definitiva convocatoria, co obxecto de tratar os seguintes puntos da orde do día:

- 1.- Aprobación, se procede, da acta correspondente á sesión ordinaria do 2 de xullo de 2021.
- 2.- Informe da presidenta.
- 3.- Validación, se procede, do Plan de promoción do centro do curso 2021/22.
- 4.- Validación, se procede do Informe do PAT curso 2020/21.
- 5.- Validación, se procede, do Informe de coordinación do curso 2020/21 do grao e dos mestrados.
- 6.- Validación, se procede, do Informe de resultados de satisfacción do curso 2020/21.
- 7.- Rolda de intervencións.

A decana da lectura aos nomes dos membros da Comisión de Calidade que desculpan a súa ausencia á sesión e que se relacionan á marxe desta acta.

1.- Aprobación, se procede, da acta correspondente á sesión ordinaria do 2 de xullo de 2021.

Apróbase a acta por asentimento e coa abstención de D. Francisco Borja Campos Seijo por non ter asistido á anterior xuntanza.

2.- Informe da presidenta.

A decana comeza a súa intervención dando a benvida a D. Francisco Borja Campos Seijo en calidade de representante da sociedade. A seguir, dá conta da baixa da secretaria, dona Josefina Cadilla Lomba, e pide que conste en acta o agradecemento do equipo decanal pola disposición do profesor Julio Prada Rodríguez para actuar como secretario accidental mentres dure a mesma.

Informa, asemade, que se cubriron todos os postos para representantes do alumnado e do PDI con vinculación non permanente, polo que se procederá á renovación dos postos vacantes nas diferentes comisións e na Xunta de Facultade. Engade que a entrada en vigor do novo regulamento electoral non permite celebrar eleccións ao decanato en período de exames, polo que estas celebraranse finalmente o 31 de xaneiro de 2022.

A continuación informa das actividades levadas a cabo polo centro dende o inicio de curso (xornadas relacionadas co seu proxecto de investigación por parte da Área de Historia Moderna; unha conferencia a cargo da Área de Historia de América; unhas xornadas da Área de Historia Antiga; e a actividade do Centro, que consistiu nunha saída de estudos ao Baixo Miño), agradecendo a boa disposición do profesorado para achegar ideas e propostas neste apartado.

Engade que nos atopamos en período de peche das cuestións relativas a asuntos económicos e amosa a súa satisfacción pola execución practicamente completa do orzamento, tendo en conta, ademais, o incremento experimentado no mesmo no presente exercicio e malia o que supuxo ter que asumir a case totalidade dos custos derivados dos gastos de tapizado dunha aula.

Finalmente, sinala que o secretario accidental advertiu que a Comisión de Calidade ven funcionando sen un regulamento propio, situación extensible á maioría dos centros, e que fixo xestións para contar cun modelo que permita, se

é posible, redactar un en breve prazo, solicitando ao profesor Julio Prada a elaboración dun borrador.

3.- Validación, se procede, do Plan de promoción do centro do curso 2021/22.

A decana explica que o plan de captación do alumnado para o vindeiro curso académico xa deu comezo a partires da experiencia de anos anteriores e pendente, en todo caso, de que o novo equipo decanal poida introducir e xustificar as modificacións que considere oportuno.

Apróbbase por asentimento.

4.- Validación, se procede do Informe do PAT curso 2020/21.

A decana informa que se levaron a cabo todas as propostas previstas de anos anteriores, aínda que sinala que realmente o PAT non funciona en 4^o curso coa efectividade que sería desexable, xa que a maioría do alumnado cursa as optativas no primeiro cuadrimestre e para o segundo quedan o TFG e as Prácticas, pero aínda así está asignado un titor para as accións previstas no mesmo. Alude, finalmente, aos problemas existentes no relativo á realización das enquisas por parte do alumnado, xa que que a plataforma non permite desagregar especificamente ao que pertence á Facultade.

Apróbbase por asentimento.

5.- Validación, se procede, do Informe de coordinación do curso 2020/21 do Grao e dos Mestrados.

A decana presenta o informe relativo ao Grao de Xeografía e Historia e as accións desenvoltas pola coordinadora do título. Suxire que se engada tamén aquela parte do PCEO da que somos responsables, retirándose da orde do día o informe relativo ao mestrado conxunto de Arqueoloxía, xa que a responsable do mesmo, que pertence á Universidade de Santiago, non o achegou, así como o do Mestrado en valoración, xestión e protección do patrimonio cultural, cuxo coordinador, o profesor Fermín Pérez Losada, non puido rematar o mesmo por atoparse nunha estada en Marrocos.

Apróbase por asentimento o informe presentado.

6.- Validación, se procede, do Informe de resultados de satisfacción do curso 2020/21.

A decana dá conta da simplificación do procedemento respecto ao que existía con anterioridade, explicando que é unha ferramenta que se ven a sumar ao que se leva a cabo a través do sistema de queixas xa existente. Sinala a importancia que ao seu xuízo teñen as xuntanzas levadas a cabo co alumnado semipresencial e do PCEO, dada problemática específica que presentan ambos.

Apróbase por asentimento.

7.- Rolda de intervencións.

Non se producen

Ao non haber máis asuntos que tratar, remata a sesión ás 13.23 horas do día 5 de novembro de 2021, da que eu como secretario dou fe, co visto e prace da decana.

A decana
Asinado dixitalmente
Susana Reboreda Morillo

O secretario accidental
Asinado dixitalmente
Julio Prada Rodríguez